

[Faint, illegible text, likely bleed-through from the reverse side of the page]



Hist. eccles.

E. 316, 24.

Autogr. Luther, XII, 2

Jhesus.

Welche person verpotten synd

zu ehlychen yhn der heyligenn schrifft beyde
der frundschaft vnnnd Mogschafft.

Leuit. 18.

Verpotten person der freuntschafft

sindt dyße.

- | | | |
|-----------------|-------------------|----------------------|
| 1 Vater | 4 Schwester | 7 Vatters Schwester. |
| 2 Mutter | 5 Stieffschwester | 8 Mutter Schwester. |
| 3 Stieffmutter. | 6 Sonß tochter. | |

Darauß folget/das Schwester kinder/vnd der stieffmutter
schwester/sur got mit guttem gewyssen mügen geehlich
werdenn.

Verpotten person d' Mogschafft

sindt dyße.

- | | |
|------------------------|---|
| 1 Vatters binders weyb | 4 Steyfftochter. |
| 2 Sonß weyb | 5 Des styeff sons odder der styeff tochter kynd. |
| 3 Binders weyb | 6 Weybs Schwester/ßo das weyb lebt. |

Darauß folget/das ich meins weibs oder braut schwes-
ter/noch yhrem todt / elichen mag / dazcu auch des burs

bers weyb nach seynem todt yhm gesetz befolhen wahr
zcu nehmen Matt. 22.

Was nu mehr person odder gelyed verpotten sind/die
habenn vnßere geystliche tyrannen vmb gelts wyllenn
verpottenn / das bewerdet sich selbs damit/das sie die selb
ben wydder vmbß gelt verkauffen vnd zculassen / Vnnd
wo man nicht gelt giebt/solche ehe zcu reysen wyder got
vnd alle billigkayt.

Das sie aber auch new gelied ertichtet haben/zwoysch
en den gefatternn / pattenn vnd yhren kyndern vnd
geschwestern / das hat sie eygentlich der teuffell geleret.
Den so das Sacramēt der tauff solt hyndernisse bryngen
musste kein Christen man/ein Christen weyb nemen. Syn
temal alle getauffte weyber/aller getaufften mēner/geyst
liche Schwester sind / als die eynerley Sacrament / geyst/
glawbe/geystliche gaben vnd güter haben/damit sie viel
neher yhm geyst freund werden/den durch eusserliche ge
fatterschaft.

Sonderlych aber ist zcu meyden der Bysschoff götzen
lugēhafftig gauckelwerck / die fermelüg/wilche kein grūd
yhn der schryfft hat / Vnd die Bysschoff/nur die leut mit
yhren lügen betrigē/das gnade / Character/malzeychen
drynnen gebenn werden. Es ist viel mehr der Bestien
Character. Apoc. 13. Syn Christen mensch soll seyn glaw
benn/bey verlust seynere seel/ia nicht stellen auff menschen
thand/dan das wirt gewislich yhm liegen vnd tryegen/
sondern nur auff gottis wort/der leuget nicht

Mar. Luther.

Anno. M. D. xxij.

...
...
...
...
...
...

...
...
...
...
...
...
...
...
...
...
...

...
...
...
...
...
...
...
...
...
...
...

...
...
...
...
...

